

«ՎՐԱՍՏԱՆԸ» 100 ՏԱՐԵԿԱՆ Է

ՔՈ ԸՆԹԵՐՑՈՂՆԵՐԸ ԲԱԶՈՒՄ ԵՆ ՈՂՋ ՎՐԱՍՏԱՆՈՒՄ

(Սկիզբը՝ 1-ին էջում)

100 տարի է, ինչ այս քերթը նպաստում է մեր երկրում ազգությանը հայ բնակիչների բարօրությանը, եղբայրական հարաբերությունների խորացմանը ողջ Վրաստանի յուրաքանչյուր քաղաքացու ու բնակչի հետ՝ անկախ նրանց ազգային ու կրոնական պատկանելությունից: Դա բարձր գնահատականի արժանի գործ է եւ պատմական ավանդ՝ այստեղ ապրող տարբեր էթնիկական ծագման ժողովուրդների առաջընթացի գործում:

Առանձնակի սիրով եւ ողջունում քերթի խմբագրությանը եւ պարբերականի բոլոր աշխատակիցներին: Օգտվելով առիթից՝ ցանկանում եմ շնորհավորել նաեւ բոլոր նրանց, ովքեր տարբեր ժամանակներում աշխատել են քերթի խմբագրությունում, նրանց մերձավորներին

ազգականներին, բարեկամներին:

Կրկին անգամ օգտվելով առիթից՝ ուզում եմ խորին շնորհակալություն հայտնել քերթի բոլոր գործող եւ նախկին աշխատակիցներին, ում անխնայ աշխատանքի արդյունքում 100 տարվա ընթացքում հարուստ փորձ եւ մեծ ավանդ է ներդրվել վրաց-հայկական եղբայրական հարաբերությունների ամրացման գործին հավատարիմ ծառայելու մեջ:

Ցանկանում եմ հաջողություններ մաղթել քեզ, «Վրաստան», միշտ բազում ու բազում ընթերցողներ ունենա, եւ իմ խորին հարգանքն ու աջակցությունը բերել խմբագրականին:

Միտե՛՛Լ ՍԱՐԶԵԼԻՉԷ

Վրաստանի խորհրդարանի մարդու իրավունքների պաշտպանության եւ քաղաքացիական ինտեգրման կոմիտեի նախագահ

ՉԵՄ ՅԻՇՈՒՄ ՄԵԿ ՇԱԲԱԹ՝ ԱՌԱՆՑ «ՎՐԱՍՏԱՆԻ»

(Սկիզբը՝ 1-ին էջում)

Որքան «Վրաստան» եմ քերթում, նույնքան՝ իմ կյանքի պատմությունը: Ու թեեւ տարիներն անդադար սկսում են, ու արդեն տատիկ եմ ինքս՝ դարձյալ ոչինչ չի փոխվել: Տարիների հետ համոզվել եմ՝ «Վրաստանը» հոգեւոր ժառանգություն է եւ ոչ միայն զուտ լրատվության աղբյուր: Ինֆորմացիայի այս անկառավարելի բազմաղբյուրություն մեջ բնավ դժվար չէ անտեղյակ մնալ օրվա անցուդարձին՝ ճիշտ ու սխալ, օբյեկտիվ ու սուբյեկտիվ մեկնաբանությամբ: Չգիտեմ ու՞մ վստահեմ, ո՞րը նախընտրեմ: Ես իմ սաներին, երեխաներին ու թոռներին ասել ու ասելու եմ՝ ընթերցեք «Վրաստանը», որովհետեւ մեր հայատառը վաղուց արդեն վստահության իր քվեն ունի: Իսկ անուն վստահելը այդքան էլ հեշտ չէ: Ոչ էլ հեշտ է հարյուր տարի ապրել, լիցի ընթերցողից էլ մեծ, լինել պատկառելի

տարիքում, բայց նույն երիտասարդ ավյունն ու անխափանությունն ունենալ: Չեմ հիշում գեթ մեկ շաբաթ, որ «Վրաստանը» լույս չտեսնի: Սա, ինչ խոսք, խմբագրի ու աշխատակազմի նվիրվածության ու հավատարմության արդյունքն է, ու ես՝ որպես ընթերցող, խոնարհաբար շնորհակալ եմ բոլորիդ: Գիտեմ, որ աշխատում եք դժվար պայմաններում, ոչ բարձր վարձատրությամբ, բայց շարունակում եք կերտել մեր ու ժառանգաբար փոխանցվող իմ հարազատ «Վրաստանի» պատմությունը:

Շնորհավոր, սիրելիներս, շնորհավոր, իմ «Վրաստան», ուզում եմ երբեք կանգ չառնես՝ պահելով եզակիությունդ, վստահելիությունդ, անունդ...

ԹԱՍՏԱՐՎ ՍՈՒՔԻԱՍՅԱՆ

Տարրական դասարանների վրաց լեզվի եւ գրականության ուսուցչուհի Ախալքալաքի մունիցիպալիտետ գյուղ Մաջարիա

ՄՈՒՐԱՑՎԱԾ ԱՆՈՒՆԵՐ

ՌՈՒՔԵՆ ԱՂԱՔԱՔ. ԲԱՆԱՍԵՏԵՂԾ, ԾԱՐՏԱՐԱՊԵՏ, ԳԻՏՆԱԿԱՆ, ՀԱՍԱՐԱԿԱԿԱՆ ԳՈՐԾԻՉ



Ցավոք, վիրահայ մեր շատ գործիչներ պակաս ծանոթ կամ ընդհանրապես անծանոթ են այսօրվա սերնդին: Ուստի, ծննդյան 110-ամյակի կապակցությամբ, ուզում եմք ավագ սերնդին հիշեցնել, իսկ երիտասարդ ընթերցողին ծանոթացնել 20-րդ դարի վիրահայ գրական ու հասարակական շարժման արժանավոր դեմքերից մեկին՝ Ռուբեն Աղաբաբին:

Նրա տոհմական ազգանունը Աղաբաբյան է: «Աղաբաբը» հոր՝ նշանավոր մանկագիր Հակոբ Աղաբաբի (1875-1926) գրական անունն է, որի ծննդյան 145-ամյակը «Վրաստան» քերթում անցյալ տարի նշվեց: Ռուբեն Աղաբաբը հոր գրական անունը ժառանգեց՝ ոչ սոսկ տուրք նրա հիշատակին, այլ կրեց այն՝ որպես բանաստեղծ, ակտիվ հասարակական գործիչ ու իր ժամանակների առաջատար ճարտարապետ: Որպես մտավորական՝ ով իր կյանքի ընդամենը 51 տարիների կարճ, բայց հազեցված ճանապարհն անցավ Վրաստանի գրողների միության հայկական մասնաճյուղի նախագահի (1941-1945, 1966-1970), ճարտարապետության դոկտորի, պրոֆեսորի (1949), Վրաստանի ԽՍՀ գիտության եւ տեխնիկայի վաստակավոր գործիչի, Հայաստանի ԽՍՀ արվեստի վաստակավոր գործիչի, Խորհրդային Միության գրողների միության անդամի (1962) կոչումներով:

Ռուբեն Աղաբաբը ծնվել է 1911թ., Թիֆլիսում: Այստեղ՝ բազմազգ ու բազմալեզու Թիֆլիսի կենսափոխիչ երանգներում, անցան նրա մանկության, երիտասարդության հասուն տարիները: Եվ այդ ներդաշնակ մթնոլորտում էլ ծեւավորվեց Ռուբեն Աղաբաբի՝ ըստ ժամանակակիցների՝ բարության ու մարդասիրության շաղախ մարդկային նկարագիրը: Իսկ գեղագիտական ընկալումների կազմավորմանը, հարկավ, մեծապես նպաստեցին գրող հայրը, նրանկավարժ, նկարիչ մայրը եւ ստացած հիմնավոր կրթությունը: Գեղեցիկի աշխարհը, որ հենց մանկուց նրա ուղեկիցը եղավ, ազնվացրեց նրան ու նրա բեղմնավոր կյանքը դարձրեց բազմակողմանիորեն հարուստ:

Միջնակարգից հետո՝ Ռուբենն ավարտեց Թբիլիսիի պոլիտեխնիկական ինստիտուտը (1927-1932): Շնորհիվ մեծ աշխատասիրության եւ բազմակողմանի ընդունակությունների, նա աչքի ընկավ տակավին ուսանողության տարիներին եւ, բուհն ավարտելուց անմիջապես հետո, հրավիրվեց աշխատանքի ինստիտուտի ճարտարապետության ամբիոնում: Իսկ 1960թ.-ից երկար տարիներ եղավ ինստիտուտի ճարտարապետության գիտահետազոտական լաբորատորիայի վարիչը:

Սրտանոտ աշխատանքը մղում էր պրպտումների, եւ դրանք չուշացան: 1940-ին՝ Ռ.Աղաբաբը պաշտպանեց թեկնածուական դիսերտացիա՝ «Վրացական բնակելի տան ճարտարապետությունը» թեմայով: 1948-ին՝ դոկտորական դիսերտացիա՝ «Վրաստանի եւ Հայաստանի գմբեթավոր շենքերի կոմպոզիցիան» թեմայով: (Երկու դիսերտացիաներն էլ իրատարապետական են որպես առանձին գրքեր): Դրանցում նա առաջ է քաշում մի համարձակ գիտական տեսակետ այն մասին, որ Վրաստանի եւ Հայաստանի քրիստոնյա երկու ժողովուրդների կենտրոնագմբեթ խաչածեւ եկեղեցիների հատակագծային-տարածական հորինվածքը կազմավորվել է հիմնավոր ժողովրդական բնակելի տների «դարբագիների» եւ «զլխատների» ճարտարապետության բարերար ազդեցությամբ եւ հետագայում ամբողջովին կերպարանափոխվել քարի շինանյութի միջոցով:

ճարտարապետության ոլորտում ունեցած աշխատանքային երկարամյա փորձը չէր կարող գործնական մնալուն արդյունքներ չբերել:

Ռուբեն Աղաբաբի նախագծերով Թբիլիսիում կառուցվեցին մի շարք բնակելի տներ ու հասարակական շինություններ: Այդ կառույցների շարքում է Թբիլիսիի հուշիվանքի հայ գրողների ու հասարակական գործիչների

նշանավոր պանթեոնի ճարտարապետական յուրատիպ ձեւավորումը, որի հանդիսավոր բացումը տեղի ունեցավ 1961 թվականին:

Տեղին է նշել, որ Ռ.Աղաբաբի նախագծային տեսքը պանթեոնը պահպանել է մինչ այսօր եւ ներկայումս տեղի հայկական համայնքի մշակութային կարեւոր օջախներից ու սրբավայրերից մեկն է:

Նրա ծառայությունները չէին սահմանափակվում ծննդավայր Վրաստանով, 1943-1949 թվականներին Աղաբաբը դասախոսում է նաեւ Երեւանի պոլիտեխնիկական ինստիտուտում: Այստեղ էլ շարունակում է զբաղվել Վրաստանի ու Հայաստանի հին եւ արդի ճարտարապետության ու ճարտարապետության մեջ հաշվողական տեխնիկայի կիրառման հարցերով:

Չրատարակված ավելի քան հարյուր գիտական աշխատություններում գիտնականը տեղ է հատկացրել նաեւ իր օրերի ճարտարապետության այլեւայլ խնդիրներին, լույս սփռել հայ ու վրաց ճարտարապետության մի շարք չպարզաբանված հարցերի, մասնավորապես՝ հայ-վրացական ճարտարապետական կապերի վրա:

Ի դեպ, ոչ միայն գիտության բնագավառում, իր ամենօրյա կյանքում էլ նա մշտապես եղել է տարբեր հանրապետությունների ճարտարապետների միջեւ ստեղծագործական կապերի ստեղծման ու ամրապնդման նախաձեռնող: Իր ուսանողների կուրսային եւ դիպլոմային նախագծերը, գիտական աշխատությունները ղեկավարելիս՝ շարունակաբար հանդես է եկել Անդրկովկասի եւ մյուս հանրապետությունների բուհերի դասախոս-ուսանողների մեթոդական ուղղությամբ միջոցառումների կազմակերպողի դերում:

ճարտարապետական գիտությունների դոկտոր, պրոֆեսոր Ռ.Աղաբաբը, որքան էլ պարագործային է, միաժամանակ եւ միեւնույն եռանդով վարում է պոետական գործունեություն: Նրա գրական երախայրիքը՝ «Լեւինի մեծ ուսուցիչ» բանաստեղծությունը, տպագրվեց 1924-ին, «Կարմիր ծիլեր» հանդեսում, երբ ընդամենը 13 տարեկան էր: Աղաբաբ բանաստեղծը թողել է չափածո երեք ժողովածու՝ «Լիրիկա» (1930, Թիֆլիս), «Առաջին ժողովներ» (մանկական, 1939, Երեւան), «Այգ» (1948, Թբիլիսի): Եվ «Հանդիպում դարերի հետ» (1982, Երեւան), «Ուղեւորություն դեպի անցյալն ու ներկան» (1965, տպավորություններ՝ Թուրքիայից) արձակ գործերը:

Պոետական նոր երանգներն իրենց գրավչությամբ հանդես եկան նրա՝ առանձնապես մանուկների համար գրված բանաստեղծություններում, ում էլ հիմնա-

կանում նվիրեց իր չափածոն:

Գտնվելով մանկական աշխարհի ոլորտում՝ Ռ.Աղաբաբի պոետիկան, միեւնույն ժամանակ կատարում է բարի, մարդասեր, երեխայի համար շատ սիրելի ծնողի ու ղեկավարի դեր: Նրա մանկագրությունը երեխային չի խրտնեցնում չոր, անարյուն դոգմաներով ու բարոյախոսություններով: Նա մնան չէ միշտ մռայլ մանկավարժին, ում գրգռում ու նյարդայնացնում է կարգապահական օրենսգրքի շրջանակները փշրող մանկան կենսափոխիչ ծայրը:

Աղաբաբ մանկագիրը, մանուկի աչքերով ու նրա հետ միասին, ցնծությամբ դիմավորում է Նոր տարին, նրա հետ պար է բռնում, երգ երգում, նվագում, ուրախանում ու մանկան ինքնամոռաց ուրախությամբ բացականջում «Գալղ բարի, / Ա՛յ, Նոր տարի...»:

Կենսափոխիչ, զվարթ տրամադրությամբ ներշնչված այս գործերը երեխային ներարկում են սեր դեպի կյանքը, բնությունը, գիրն ու գրականությունը, արվեստը, երաժշտությունը: Նրանց դալար հոգիներում սերմանում են հայրենասիրություն, ընկերասիրություն, աշխատանքային կարգապահություն: Բնավ պատահական չէր, որ նա երկար տարիներ եղավ Թբիլիսիում հրատարակվող «Կարմիր ծիլեր» (1923-1941, իսկ 1939-ից՝ «Հոկտեմբերյան սերունդ»), «Արշավ» մանկական հանդեսների խմբագիրը:

Ռ.Աղաբաբը կատարել է նաեւ թարգմանություններ Նեկրասովից, Մայակովսկուց, Մարշալից Տաբիձեից եւ այլ հեղինակներից: Հեղինակել է հոդվածներ՝ գրականության հարցերի շուրջ:

Իբրեւ Վրաստանի գրողների միության հայկական մասնաճյուղի նախագահ՝ երկար տարիներ ծավալել է շատ կարեւոր հասարակական աշխատանք, որում դարձյալ նկատվում են նրա՝ հայ-վրացական մշակութային կապերի զարգացման գծով ջանքերը:

Ժամանակակից վրաց պոետ, Վրաստանի կոմերիտ-միության եւ Հայաստանի գրողների միության Թումանյանի անվան մրցանակների դափնեկիր Մորիս Փոցխիշվիլին (1930-1997) այսպիսի տողեր է նվիրել Ռուբեն Աղաբաբին.

«Գրողների միություն էր գալիս ձյան պես հանդարտ ու մեղմիկ: Գալիս ու լույս էր սփռում շուրջը: ճարտարապետ էր, ուստի, մարդկանց հետ առնչվելիս, կարողանում էր նրբորեն «կերտել» բարյացակամության մթնոլորտ:

Եվ զարմանալի չէ, որ նրա բանաստեղծություններն էլ տոգորված են բարյացակամությամբ: Կրում են պայծառ մտածողության, անդամաճան սիրո, հավատարմության, մարդասիրության անուրանալի կնիքը:

Ազգությամբ հայ արվեստագետը ասպետական սիրով սիրում էր Թբիլիսին ու թբիլիսցիներին:

Վրացերեն առաջին անգամ հրատարակված նրա բանաստեղծությունների գիրքը վարպետությամբ եւ, որ զլխավորն է, ակնածանքով թարգմանել են Անդրո Թեւաձեն ու Տագո Մեբուրիշվիլին:

Ու այդ գիրքը բարի միջնորդ եղավ վրաց ընթերցողի ու հայ պոետի միջեւ, որի պայծառ կյանքն այժմ շարունակվում է իր բանաստեղծություններում:

Ռուբեն Աղաբաբը մահկանացուն կնքեց 1970թ. դեկտեմբերի 6-ին, Թբիլիսիում:

Հիշենք եւ մեծարենք մեր նշանավոր հայրենակցին: ՋՈՒԼԵՏԱ ԲԱՂԱՅԱՆ

COVID - 19

ՕԳՈՍՏՈՍԻ 14-ԻՅ ՄԵՊՏԵՄԲԵՐԻ 4-Ը ԿՈՐՐԾԵՆ ՆՈՐ ՄԱՀՄԱՆԱՓՎԱԿՈՒՄՆԵՐ

ՄԻԱՅՆ ՊԱՏՎԱՍՏՈՒՄԸ ԼԻԱՐԺԵՔ ԿՓՐԿԻ ՁԵՐ ԵՐԵՒԱՆԵՐԻՆ, ԾՆՈՂՆԵՐԻՆ ԵՎ ՄԵՐՁԱՎՈՐՆԵՐԻՆ ԿՈՐՈՆԱՎԻՐՈՒՄԱՅԻՆ ՀԱՄԱՎԱՐԱՎԻՑ

(Սկիզբը՝ 1-ին էջում)

Իրակի Ղարիբաշվիլու խոսքով, արդեն փորձել են բոլոր մեթոդները՝ արգելքներ, սահմանափակումներ, սակայն պատվաստումն այլընտրանք չունի:

Միջգերատեսչական համակարգող խորհուրդն այսօրվա նիստում որոշեց մի քանի սահմանափակումներ մտցնել, որոնք կգործեն երեք շաբաթվա ընթացքում:

Ինչպես գիտեք, ինչպես աշխարհում, այնպես էլ՝ Վրաստանում, համաճարակաբանական իրավիճակը բարդ է հիմնականում նոր շտամների դելտայի լայն շրջանառության պատճառով:

Ելնելով համաճարակաբանական ցուցանիշի եւ միտումների վերլուծությունից՝ Համակարգող խորհուրդը, չնայած օգոստոսին ինունականմիսյան գործընթացի ակտիվացմանը, այնուամենայնիվ, անհրաժեշտ համարեց որոշակի սահմանափակումներ մտցնել:

Համակարգող խորհրդի որոշման համաձայն, օգոստոսի 14-ից սեպտեմբերի 4-ը՝ 3 շաբաթվա ընթացքում, կգործեն հետևյալ սահմանափակումները.

*Մուկիցիպալային տրանսպորտի երթուղիները կսահմանափակվեն:

պորտի երթուղիները կսահմանափակվեն: Սահմանափակումը չի տարածվում միջքաղաքային տրանսպորտի վրա:

* Ամբողջովին սահմանափակվում է փառատոները, ժամանցային միջոցառումները, համերգները եւ սպորտային մրցումները:

* Մանկական ժամանցային կենտրոնները փակ կլինեն:

* Սննդի կետերը կգործեն մինչև ժամը 23:00-ը, ժամը 00:00-ի փոխարեն:

* Պետական գերատեսչություններին հանձնարարվում է աշխատողներին հնարավորության սահմաններում տեղափոխել հեռավոր աշխատանքի, եւ խորհուրդը նմանատիպ առաջարկություն է տալիս մասնավոր գործատուներին նույնպես:

* Չիվորակա բժշկներից կազմված բրիգադները կներգրավվեն պատվաստման գործընթացին՝ առավելագույնի հասցնելու եւ բարձրացնելու պատվաստման հասանելիությունը: Քաղաքային տրանսպորտի սահմանափակման պայմաններում, պետությունը կապահովի բնակչությանը հասնել պատվաստման օբյեկտներ:

* Առողջապահության նախարարությունը շարունակում է աշխատել լրացուցիչ մահճակալների մոբիլիզացման ուղղությամբ:

* Հնարավորինս կխստացվի վերահսկողությունը գործող կանոնակարգերի կիրառման նկատմամբ, ներառյալ՝ սոցիալական միջոցառումների անցկացումը, ինչպիսիք են հարսանիքները, հոգեհանգիստները եւ այլն: Հիշեցնենք, որ նման միջոցառումներ կազմակերպելու համար, օբյեկտները կտուգանվեն 10 հազար լարիով, իսկ կրկնակի խախտումների դեպքում՝ ենթակա են փակման:

* Միեւնույն ժամանակ, Համակարգող խորհրդի նիստում Հիվանդությունների վերահսկման ազգային կենտրոնի ղեկավարը խորհուրդ տվեց, որ սեպտեմբերից սննդի օբյեկտների, առողջարանների, ֆիթնես-կենտրոնների եւ նմանատիպ հաստատություններ մուտքը թույլատրվի միայն մեկ դոզայով կամ ամբողջական կուրսով պատվաստված անձանց եւ կամ վերջին 72 ժամվա ընթացքում ՊՇՌ կամ վերջին 24 ժամվա ընթացքում արագ հակազենի թեստի բացասական պատասխանով տեղեկանք ներկայացնողներին: Խորհուրդը կքննարկի հարցը, իսկ հանրությունը կտեղեկացվի ընդունված որոշումների մասին:

ԷԿԱՏԵՐԻՆԵ ՏԻԿԱՐԱԶԵ. «ՌԻՆԱՊՐՈՒԹՅՈՒՆ. ԱՄԵՆԱԼԿ ՊԱՇՏՊԱՆՈՒԹՅԱՆ ՄԻՋՈՅԸ ՊԱՇՏՊԱՆԻՉ ԴԻՄԱԿ ԿՐԵԼՆ Է»

ԵՐԵՎԱՆԻ ՎԱՐՎԱԿԻՆԵՐԻ ԹԻՎԸ ԴՅՎԱԶԻ, ԱՊՍ ԵՐԿՐԻ ՀԻՎԱՆՊԱՆՈՅՆԵՐՈՒՄ ԿՍԵՂՍՎԻ ԲԱՐԴ ԻՐԱՎԻՃԱԿ

Վրաստանի առողջապահության նախարար Էկատերինե Տիկարազեի հայտարարությամբ, կորոնավիրուսի տարածման չորրորդ ալիքը սպասվածից շատ ավելի ծանր ու բարդ է եւ հիմնականում պայմանավորված է դելտա շտամով:



- Կարելու է, որ նոր շտամը, ինչպես արդեն ցույց է տալիս համաշխարհային պրակտիկան, ունի այլ տեմպ ու բարդություն: Հետևաբար, վարակի տարածումը չորրորդ ալիքը տարբերակում է երրորդ ալիքից,- ասաց առողջապահության նախարար Էկատերինե Տիկարազեն՝ հավելելով՝ սպասվում էր, որ դելտա շտամը ավելի հեշտությամբ կտարածվի:

- Երրորդ ալիքը մենք անցանք համեմատաբար հեշտությամբ, սակայն չորրորդ ալիքը սպասվածից շատ ավելի ծանր ու բարդ է, քանի որ այլ երկրներում մենք նկատել ենք, թե ինչ արագությամբ է տարածվել Delta շտամը:

Սա է հիմնական պատճառը, որ մենք այսօր գտնվում ենք այս դժվարին գործընթացի մեջ,-

նշեց Էկատերինե Տիկարազեն եւ հավելեց, որ հնարավորինս արվում է, որպեսզի ստացիոնար բուժման կարիք ունեցող ոչ մի հիվանդ կլինիկայից դուրս չմնա:

- Սակայն, այն հիվանդները, ովքեր կարող են ժամանակից շուտ դուրս գրվել եւ տեղափոխվել կլինիկական հյուրանոցներ, կարելու է, որ նրանք ժամանակին տեղափոխվեն,- ասաց նախարարը եւ հավելեց,- Եթե վարակի մակարդակը չնվազի, ապա բավականին դժվար կլինի հիվանդներին ընդունել հաստատություններում:

ԱՄԵՆՈՒՐԵՔ ԿՐԵՔ ՊԱՇՏՊԱՆԻՉ ԴԻՄԱԿՆԵՐ. ԱՅՆ ԿՐԵԼԸ ԿՐԿԻՆ ՊԱՐՏԱԴԻՐ Է

ԽՍՏԱՅՎՈՒՄ Է ՀԱՐԱՆԻՔՆԵՐԻ, ՀՈԳԵՀԱՅՆԻ ԵՎ ՆՄԱՆԱՏԻՊ ՄԻՋՈՅԱՌՈՒՄՆԵՐԻ ՎԵՐԱՀԱՎՈՐՈՒԹՅՈՒՆԸ

Օգոստոսի 10-ից պաշտպանիչ դիմակ կրելն այսուհետ պարտադիր է նույնիսկ բաց տարածքներում, որտեղ հավաքվում է ավելի քան հինգ մարդ: Համապատասխան որոշումն ընդունվել է միջգերատեսչական համակարգող խորհրդի նիստին:

Միջգերատեսչական համակարգող խորհրդի օպերատիվ շտաբի պետ Գիորգի Ղիբրաձեի խոսքով, որոշման պատճառը վերջերս համավարակային իրավիճակի վատթարացումն էր:

- Ինչպես գիտեք, պաշտպանիչ դիմակ կրելը պարտադիր է փակ եւ բաց տարածքներում՝ մարդաշատ հավաքների վայրերում, կանգառներում, շուկաներում, հասարակական տրանսպորտում: Խորհրդի որոշմամբ, օգոստոսի 10-ից պաշտպանիչ դիմակ կրելը պարտադիր կլինի նաեւ բաց տարածքներում ամենուր, որտեղ հավաքվում է հինգ եւ ավելի մարդ,- ասաց Գիորգի Ղիբրաձեն:

Վրաստանում բացօթյա տարածքում պաշտպանիչ դիմակ կրելու պարտականությունը հանվել էր հունիսի 22-ին, չնայած փակ տարածքներում սահմանափակումը մնում էր ուժի մեջ:

Միջգերատեսչական համակարգող խորհրդի օպերատիվ շտաբի ղեկավար Գիորգի Ղիբրաձեի խոսքով, հարսանիքների, հոգեհացերի եւ նմանատիպ միջոցառումների նկատմամբ վերահսկողությունը խստացված է: Սահմանափակման խախտման առաջին դեպքում սննդի օբյեկտը կտուգանվի 10 հազար լարիով, իսկ կրկնվելու դեպքում օբյեկտը կկնքվի:

ԿՈՐՈՆԱՎԻՐՈՒՄ. ԱՆԽԱՐՀՈՒՄ ՎԱՐԱԿՎԱՍՏԵՐԻ ԹԻՎԸ ԳԵՐԱՉԱՆՅՆՅՑ 206 ՄԻԼԻՈՆԸ

COVID-19-ի հաստատված դեպքերի թիվն աշխարհում անցել է 206 317 768-ը: Կորոնավիրուսի հետազոտական կենտրոնների տվյալների համաձայն, մահացածների թիվը գերազանցել է 4 349 493-ը: Ապաքինվել է 185 145 350 մարդ:

Վարակվածների թվով աշխարհում առաջին տեղում ԱՄՆ-ն է, որտեղ կա հաստատված 37 203 649 դեպք: Այստեղ մահացածների թիվը 636 298 է, երկրորդ տեղում Հնդկաստանն է, որտեղ հաստատված դեպքերի թիվը հասել է 32 117 826-ի, մահացածներից՝ 430 285-ի:

Վարակվածների թվով հաջորդ տեղում Բրազիլիան է: Այստեղ վարակվել է 20 285 067, մահացել՝ 566 988 մարդ: Ռուսաստանում կորոնավիրուսով վարակվել է 6 557 068, վարակի հետեւանքով մահացել՝ 168 864 մարդ: Ռուսաստանին հաջորդում են Ֆրանսիան, Մեծ Բրիտանիան, Թուրքիան, Արգենտինան, Կոլումբիան ու Իսպանիան:

Հայաստանում, ընդհանուր առմամբ, վարակվածների թիվը հասնում է 233 797-ի, մահացածներինը՝ 4 678-ի, ապաքինվածներինը՝ 222 183-ի:

Ադրբեջանում վարակվածների թիվը կազմում է 359 732 մարդ: Վարակից մահացել է 5 109, ապաքինվել՝ 337 021 մարդ:

Վրաստանում, վերջին տվյալներով, վարակվել է 471 685, մահացել՝ 6321, ապաքինվել՝ 415 146 մարդ:

Օգոստոսի 13-ին կորոնավիրուսով վարակման 5 359 նոր դեպքերից 2 187-ը Թբիլիսիում է, Աջարիայում՝ 813, Իմերեթիում՝ 698, Քվեմո Զարթիում՝ 270, Շիրա Զարթիում՝ 307, Գուրիայում՝ 92, Սամեգրելո-Չեմո Սվանեթիում՝ 335, Կախեթիում՝ 372, Մցխեթա-Մթիանեթիում՝ 148, Ռաճա-Լեչխումիում եւ Քվեմո Սվանեթիում՝ 35, Սամցխե-Ջավախեթիում՝ 102:

COVID-19 ՆՈՐ DELTA ՏԵՄԱԿԻ ՄԱՍԻՆ



Նոր կորոնավիրուսային հիվանդության դեմ պայքարի արդյունավետ միջոցառումների իրականացման տեսանկյունից, կարելու է COVID-19 վիրուսի մուտացիաների ուսումնասիրությունը, քանի որ դրանք կարող են էական ազդեցություն ունենալ վարակի տարածման արագության, հիվանդության ծանրության, հակամարմինների նեյտրալիզացման հնարավորության, ինչպես նաեւ պատվաստման գործընթացի վրա:

2021թ. մայիսի 11-ին ԱՂԿ-ն հայտարարեց Delta տեսակը (B.1.617.2), որպես վտանգ ներկայացնող տարբերակ, քանի որ վերջինի փոխանցման արագությունը շուրջ 40-60%-ով ավելին է, քան Ալֆայինը, կարող է ասոցիացված լինել հոսպիտալացման ավելի բարձր ռիսկի հետ: Հաշվի առնելով փոխանցելիության արագությունը՝ Դելտա կամ Հնդկական տարբերակը ակնկալվում է, որ արագորեն կգերազանցի այլ շտամներին եւ կդառնա գերիշխող մուտացիա առաջիկա ամիսների ընթացքում, եւ կստեղծի համավարակի նոր ալիք: 2021թ. հունիսի 29-ի դրությամբ, 96 երկրներ հայտնել են Դելտայի տարբերակի դեպքերի մասին, եւ այդ երկրներում նկատվում է նոր դեպքերի ու հոսպիտալացման դեպքերի կտրուկ աճ:

Դեռ ավելին, ներկայումս առկա տվյալները վկայում են մեկ դեղաչափով պատվաստված անհատները, անկախ պատվաստանյութի տեսակից, ավելի քիչ են պաշտպանված Delta տարբերակից, քան այլ տարբերակներից: Միեւնույն ժամանակ, ամբողջական երկու պատվաստում ստացած անհատների պաշտպանվածությունը Delta տարբերակից գրեթե նույնն է, ինչ այլ տարբերակներից:

Միացյալ Թագավորությունում իրականացված ուսումնասիրությունը, որն ընթացքում վերլուծել է ավելի քան 200.000 COVID-19 դեպքերի տվյալները, ցույց է տվել՝ Դելտայի շտամի դեպքում նկատվում է հիվանդության ծանրության աստիճանի եւ հոսպիտալացման մակարդակի աճ, համեմատված COVID-19-ի ոչ շտամային դեպքերի հետ: Ալֆայի շտամի համար նույնպես հայտնաբերվել է հիվանդության ծանրության աստիճանի աճ:

Միացյալ Թագավորությունում իրականացված հետազոտությանը, որն իրականացվել է COVID-19-ով հիվանդ 112 անձի վրա, ցույց է տվել, որ Դելտա, Բետա եւ Ալֆա շտամներով վարակված լինելու դեպքում, նկատվում է հակամարմինների չեզոքացմող հատկության աճ:

Միեւնույն ժամանակ, ամբողջական երկու պատվաստում ստացած անհատների պաշտպանվածությունը Delta տարբերակից գրեթե նույնն է, ինչ այլ տարբերակներից:

COVID-19 նոր շտամներից Alpha տարբերակը գրանցվել է 182 երկրներում (4 նոր երկիր), Beta՝ 131 երկրներում (8 նոր

ՀԱՅԱՍՏԱՆ - ԱՐՅԱԽ. Փաստեր, իրադարձություններ

«ՎՐԱՍՏԱՆԻ», ԱՐՄԵՆՊՐԵՍԻ, ՊԱՆԱՐՄԵՆԻԱՆԻ ԵՎ ԿԱՎԱԶՊՐԵՍԻ ՆՅՈՒԹԵՐՈՎ

ՆԻԿՈՒ ՓԱՇԵՆՅԱՆ. «ՍԱՀՄԱՆԱԿԻՑ ԵՐԿՐՆԵՐԻ ՀԵՏ ՀԱՐԱԲԵՐՈՒԹՅՈՒՆՆԵՐԻ ԽՈՐԱՑՈՒՄԸ ԿԱՄ ԿԱՐԳԱՎՈՐՈՒՄԸ ՄԵՐ ԿԱՐԵՎՈՐ ՈՒՂՈՒԹՅՈՒՆՆ Է ԼԻՆԵԼՈՒ»

Հայաստանը համոզված է, որ տարածաշրջանում երկարատև խաղաղության, կայունության, անվտանգության ու տնտեսական զարգացման համար առանցքային են հարեւան երկրների հետ բնականոն հարաբերությունների հաստատումը կամ զարգացումը:



Կառավարության նիստի մեկնարկին ունեցած ելույթում այս մասին ասաց Հայաստանի վարչապետ Նիկոլ Փաշինյանը: - Սահմանակից երկրների հետ հարաբերությունների խորացումը կամ կարգավորումը կառավարության արտաքին քաղաքականության կարեւոր ուղղություններից է լինելու: Այս համատեքստում հարկ էն համարում նշել, որ, ցավոք, որոշ ուժեր փորձում են սխալ լույսի մեջ դնել հարաբերությունները Հայաստանի մտադրությունները՝ ասելով, թե Հայաստանը զինված ուժերի բարեփոխումներն առաջնահերթություն է հռչակել սահմանակից երկրների նկատմամբ ագրե-

սիվ քաղաքականություն վարելու համատեքստում: Հայաստանը, ինչպես ցանկացած խաղաղասեր պետություն, զինված ուժերը զարգացնելու եւ վերափոխելու է ոչ թե ագրեսիայի, այլ հնարավոր ագրեսիայից պաշտպանվելու համար, եւ մենք տարածքներ նվաճելու որեւէ մտադրություն չունենք: Մեր մտադրությունը մեր ինքնիշխանությունն ու տարածքային ամբողջականությունը պաշտպանելն է: Մենք ագրեսիվ որեւէ մտադրություն չունենք, եւ տարածաշրջանի խաղաղությունը, կայունությունը մեր եր-

կարատեւ ռազմավարությունն է: Մենք պատրաստ ենք ակտիվ երկխոսություն սկսել այս օրակարգի շուրջ, միջազգային մեր գործընկերների աջակցությամբ, ըստ անհրաժեշտության՝ նաեւ ուղիղ շփումների միջոցով: Այս հարցերը մենք առավել մանրամասն կքննարկենք կառավարության գործունեության 5-ամյա ծրագրի ընդունման ժամանակ, մանրամասնեց վարչապետը:

ՀԱՅԱՍՏԱՆԻ ՆՈՐԸՆՏԻՐ ԱԶԳԱՅԻՆ ԺՈՂՈՎՆ ԸՆՏՐԵՑ 12 ՄՇԱԿԱՆ ՀԱՆՁՆԱԺՈՂՈՎՆԵՐԻ ՆԱԽԱԳԱՆՆԵՐԻՆ



Օգոստոսի 12-ին Հայաստանի Ազգային ժողովն ընտրեց 12 մշտական հանձնաժողովների նախագահներ:

Մասնավորապես, Աշխատանքի եւ սոցիալական հարցերի մշտական հանձնաժողովի նախագահ է ընտրվել Հեղուարդ Սիգրանյանը («Քաղաքացիական պայմանագիր» խմբակցություն), Առողջապահության հարցերի մշտական հանձնաժողովի նախագահ՝ Նարեկ Զեյնալյանը («Քաղաքացիական պայմանագիր» խմբակցություն), Արտաքին հարաբերությունների մշտական

քաղաքական պայմանագիր» խմբակցություն), Գիտության, կրթության, մշակույթի, սփյուռքի, երիտասարդության եւ սպորտի հարցերի մշտական հանձնաժողովի նախագահ՝ Սիսակ Գաբրիելյանը («Քաղաքացիական պայմանագիր» խմբակցություն), Եվրոպական ինտեգրման հարցերի մշտական հանձնաժողովի նախագահ՝ Արման Եղոյանը («Քաղաքացիական պայմանագիր» խմ-

բակցություն), Մարդու իրավունքների պաշտպանության եւ հանրային հարցերի մշտական հանձնաժողովի նախագահ՝ Թագուհի Թովմասյանը («Հայաստան» խմբակցություն), Պաշտպանության եւ անվտանգության հարցերի մշտական հանձնաժողովի նախագահ՝ Անդրանիկ Քոչարյանը («Քաղաքացիական պայմանագիր» խմբակցություն), Պետական, իրավական հարցերի մշտական հանձնաժողովի նախագահ՝ Վլադիմիր Վարդանյանը («Քաղաքացիական պայմանագիր» խմբակցություն), Տարածաշրջանային եւ Եվրասիական ինտեգրման հարցերի մշտական հանձնաժողովի նախագահ՝ Արմեն Գե-

որգյանը («Հայաստան» խմբակցություն), Տարածքային կառավարման, տեղական ինքնակառավարման, գյուղատնտեսության եւ շրջակա միջավայրի պահպանության հարցերի մշտական հանձնաժողովի նախագահ՝ Վահե Ղալունյանը («Քաղաքացիական պայմանագիր» խմբակցություն), Տնտեսական հարցերի մշտական հանձնաժողովի նախագահ՝ Վահե Հակոբյանը («Հայաստան» խմբակցություն): Ֆինանսավարկային եւ բյուջետային հարցերի մշտական հանձնաժողովի նախագահ է ընտրվել Գեորգ Պապոյանը («Քաղաքացիական պայմանագիր» խմբակցություն):

ԿՓՈՒՍՎԻ ՈՍՏԻԿԱՆՈՒԹՅԱՆ ՄԵՔԵՆԱՆԵՐԻ ԱՐՏԱՔԻՆ ԶԵՎԱՎՈՐՈՒՄԸ, ՍՐՃԱՐԱՆՆԵՐՈՒՄ ԶԱՆՁՆՈՒՅԱԿՆԵՐԸ ԿԼԻՆԵՆ ՀԱՅԵՐԵՆՈՎ

Հուլիսի 9-ին Լեզվի կոմիտեն հայտարարություն էր տարածել այն մասին, որ Պարեկային ծառայության ավտոմեքենաների վրա զետեղված տեղեկություն գերակայում է օտար լեզուն, որը չի բխում Հայաստանի Հանրապետության սահմանադրության 20-րդ հոդվածից եւ «Լեզվի մասին» Հայաստանի Հանրապետության օրենքից: Ավտոմեքենաների արտաքին տեսքի ձևավորման հետ կապված դժգոհություններ կային նաեւ քաղաքացիների շրջանում:



Օգոստոսի 12-ին հատուկ հրավիրված մամուլի ասուլիսում Լեզվի կոմիտեի նախագահ Դավիթ Գյուրջինյանի հայտարարությամբ, ներկայիս արտաքին ձևավորման հետ կապված իրենց մտահոգությունները տեղ են հասել: Հասցեատեր կառույցները շատ արագ արձագանքել են ու վերանայելու պատրաստակամություն հայտնել:

վել է 63 վարչական վարույթ: Դավիթ Գյուրջինյանը նշեց, որ դա բավական մեծ թիվ է: Այս 7 ամիսների ընթացքում վարչական դատարանում քննված գործերի քանակը 18-ն է:

խարարները մի շարք կարեւոր պայմանավորվածություններ են ձեռք բերել փոխգործակցության առաջիկա ծրագրերի շուրջ:

Հայերեն գրառումները կզլխավորեն Հայաստանում Պարեկային ծառայության մեքենաների վրա արտաքին նոր ձևավորման տարբերակում: Լեզվի կոմիտեի նախագահն անդրադարձավ նաեւ սրճարաններում եւ առեւտրական կետերում «Լեզվի մասին» Հայաստանի օրենքի բազմաթիվ խախտումներին: Նրա խոսքով, այդ հարցով հարուց-

- Մեր տնտեսավարողները, փաստաբաններ վարձելով, պատճառաբանում են, թե Հայաստան եկող զբոսաշրջիկը հայերեն չի հասկանում: Իսկ հայաստանցիները: Ի վերջո, պետք է հասկանան, որ սա Հայաստան է, այստեղ պետական լեզուն հայերենն է, այն առաջնային է, գերակա է, նոր դրանից հետո կարող են լինել զուգակցումներ, - ասաց Դավիթ Գյուրջինյանը: Նրա խոսքով, կան խելամիտ մարդիկ, ովքեր արագ արձագանքում են ու փոխում գրառումները: Երկու երկրների պաշտպանության մա-

Դավիթ Գյուրջինյանն անդրադարձավ նաեւ դիմարդների կողմից այս տարի Հայոց լեզվից չափազանց ցածր գնահատակներ ստանալու թեմային: Ցածր գնահատակների պատճառով, ըստ նրա, տարիներ շարունակ Հայաստանում շրջանառված հայոց լեզվի շտեմարաններն են:

- Դրանք հայերենի իմացություն չեն ստուգում, այնտեղ բաժիններ կան, որոնք առհասարակ դպրոցական կրթության հետ չեն կապվում, - ասաց նա:

ՆԻԿՈՒ ՓԱՇԵՆՅԱՆԸ ՀԱՆՊԻՊԵՑ ՀԱՊԿ-Ի ՎԵՄԱՎՈՐ ԶՄԲՏՈՒՎՈՐ ՍՏԱԽՍՆԱԿ ԶԱՍԻՆ

Օգոստոսի 8-ին Հայաստանի վարչապետ Նիկոլ Փաշինյանը հանդիպում ունեցավ աշխատանքային այցով Հայաստանում գտնվող Հավաքական անվտանգության պայմանագրի կազմակերպության (ՀԱՊԿ) գլխավոր քարտուղար Ստանիսլավ Զասի հետ: Հանդիպմանը Նիկոլ Փաշինյանը բարձրադաս չՀԱՊԿ-ի կանոնադրությամբ սահմանված մեխանիզմների գործարկման անհրաժեշտության հարցը: Զրույակիցները քննարկեցին նաեւ հայադրբեջանական սահմանին ստեղծված իրավիճակը խաղաղ բանակցությունների միջոցով հանգույալուծելու հնարավորություններին, ՀԱՊԿ-ում Հայաստանի նախագահության առաջնահերթություններին, ՀԱՊԿ պատասխանատվության գոտում անվտանգության ապահովմանն ուղղված քայլերին, ինչպես նաեւ կազմակերպության կապարելագործմանն ու արդյունավետության բարձրացմանը վերաբերող:

ՀԱՅԱՍՏԱՆԻ ԵՎ ՌՈՒՍՍԱՍՏԱՆԻ ՊԱՇՏՊԱՆՈՒԹՅԱՆ ՆԱԽԱՐԱՐՆԵՐԻ ԲԱՆԱԿՅՈՒԹՅՈՒՆՆԵՐԻ ՕՐԱԿԱՐԳԸ

Պաշտպանության նախարարների մակարդակով օգոստոսի 11-ին Մոսկվայում կայացած հայ-ռուսական բանակցությունների ընթացքում, բայցի պաշտպանական ոլորտում հայ-ռուսական համագործակցության առնչվող օրակարգային հարցերից, հայկական կողմից բարձրացված եւ առանցքային կարեւորություն ներկայացնող խնդիրներն են եղել հայադրբեջանական սահմանային իրադրությունն ու դրա հանգույալուծմանն ուղիները, սահմանային միջադեպերի կանխումը, Լեռնային Ղարաբաղում իրադարձարի ռեժիմի խախտումների անթույլատրելիությունը եւ այդ համատեքստում, այնպիսի միջադեպերի բացառումը, ինչպիսին էր, օրինակ, օգոստոսի 11-ին Ադրբեջանի ՋՈՒ կողմից Արցախի ՊԲ մարտական դիրքերի վրա հարվածային անօդաչու թռչող սարքի կիրառումը, եւ հայ ռազմագերիների վերադարձի խնդրի արագ հանգույալուծումը: Երկու երկրների պաշտպանության նախարարները մի շարք կարեւոր պայմանավորվածություններ են ձեռք բերել փոխգործակցության առաջիկա ծրագրերի շուրջ:

ՎԱՆԱՅՈՐ-ԱՆՎԵՐԳԻ-ՎՐԱՍՏԱՆ ՀԱՆԱՎՈՐՉՈՎ ԵՐԹԵՎԵԿՈՒԹՅՈՒՆԸ ԺԱՄԱՆԱԿԱՎՈՐՈՒՄԸ ՊԱՎԱՐԵՅՎՈՒՄ Է

Հայաստանի ճանապարհային դեպարտամենտի փարածած հաղորդագրության մեջ նշված է, որ Վանաչոր-Ալավերդի-Վրաստանի սահման ավտոճանապարհի («Քոբեր» կայարանից 600մ դեպի Ալավերդի) հարվածում գտնվող երկաթգծի վթարային ուղեանցը նորոգելու նպատակով, օգոստոսի 16-ից 29-ը դադարեցվելու է նշված հարվածի երթուղիները: Ըստ հաղորդագրության, մինչեւ նշված ուղեանցը եւ ուղեանցից հետո երթուղիների համար խոչընդոտներ չկան: Դեպի Ալավերդի կամ Բագրատաշենի սահմանային անցակետ երթուղիները համար առաջարկվում է օգտվել այլընտրանքային երթուղիներից: Դեպի Ալավերդի կամ Բագրատաշենի սահմանային անցակետ եւ հակառակ ուղղությամբ երթուղիները համար առաջարկվում է օգտվել Սյրեփանավան-Յաղդան-Կողես-Օջուն-Ս6 եւ Իջեւան-Նոյեմբերյան-Ս6 այլընտրանքային երթուղիներից: Շինարարական աշխատանքներն իրականացվում են Ս6, Վանաչոր-Ալավերդի-Վրաստանի սահման միջպետական նշանակության ավտոճանապարհի վերականգնման եւ բարելավման ծրագրի շրջանակում:

ԵԿԵՂԵՑԱԿԱՆ

ՕԳՈՍՏՈՍ

15.08.2021 Վերափոխումն Սուրբ Աստվածածնի

Հայ Առաքելական Սուրբ Եկեղեցին մեծ շուքով է...

Աստվածածնի Վերափոխման տոնի օրը, Սուրբ պատարագից հետո...

ՏԱՐԵՐ

ԱՆՏԱՌԱՅԻՆ ՀՐԴԵՐ ԿԱԽԵԹԻ ՏԱՐԱԾԱՆԵՐԱՆՈՒՄ

Այրվում է Կախեթի շրջանի Ղվարեյի քաղաքից մի քանի կիլոմետր հեռավորությամբ գտնվող անտառային ծածկույթը:

Արտակարգ իրավիճակների կառավարման ծառայության տվյալներով, իրադրությունը գտնվում է վերահսկողության տակ:

Որոշվում է բռնկման ստույգ տարածքը: Արտակարգ իրավիճակների կառավարման ծառայությունը եւ Շրջակա միջավայրի ազգային գործակալությունը նախագուշացրել են երկրում հաստատված շոգ եղանակի պայմաններում հնարավոր անտառային հրդեհների մասին:

ՏՈՒԿԻՆ - 2020

ՎՐԱՍՏԱՆԻ ՊԱՏՄՈՒԹՅԱՆ ՄԵՋ ԱՄԵՆԱՐԱԶՈՂ ՕԼԻՄՊԻԱԿԱՆ ԽԱՂԵՐԸ ԹԻՄԱՅԻՆ ՀԱՇՎԱՐԿՈՒՄ ՎՐԱՍՏԱՆԸ 33-ՐԴՆ Է, ԻՍԿ ՀԱՅԱՍՏԱՆԸ՝ 69-ՐԴԸ

Օգոստոսի 8-ին Տոկիոյում ավարտվեցին 32-րդ ամառային Օլիմպիական խաղերը: Փակման արարողությունն սկսվեց պատվիրակությունների մուտքով:

Փակման պաշտոնական արարողության եզրափակիչ մասում Տոկիոյի քաղաքապետը Օլիմպիական խաղերի դրոշմը փոխանցեց Փարիզի քաղաքապետ Անն Յիդալգոյին հաջորդ խաղերը հյուրընկալող քաղաքի ղեկավարին:

Տոկիո 2020-ն աննախադեպ էր Վրաստանի համար, քանի որ երկրի անկախությունից ի վեր, առաջին անգամ Վրաստանի օլիմպիական հավաքականը կարողացավ ձեռք բերել միանգամից 8 մեդալ՝ երկու ոսկե, հինգ արծաթե եւ մեկ բրոնզե: Սա լավագույն արդյունքն է անկախ Վրաստանի պատմության մեջ Օլիմպիադայում ցուցադրված մեդալների քանակով:

Վրաստանն ամառային օլիմպիական խաղերին ներկայացել էր 11 մարզածելուն՝ 35 մարզիկով: Օլիմպիական խաղերում Վրաստանին ոսկե մեդալներ բերեցին ձյուդոիստ Լաշա Բեքաուրիին եւ ծանրամարտիկ Լաշա Տալախաձեին: Արծաթե մեդալների արժանացան ձյուդոիստներ Գուրամ Թուշիշվիլին, Վաթա Մարգվելաշվիլին, Լաշա Շավիաթուաշվիլին, ըմբշամարտիկներ Իսկոբ Բաջախան (հունահռոմեական ոճ) եւ Գենո Պետրիաշվիլին (ազատ ոճ): Բրոնզե մեդալի արժանացավ ծանրամարտիկ Անտոն Պլեսնոյը:

Հայաստանը 32-րդ ամառային Օլիմպիական խաղերում նվաճել է 4 մեդալ: Ծանրորդ Սիմոն Մարտիրոսյանը եւ հունահռոմեական ոճի ըմբշ Արթուր Ալեքսանյանը նվաճել են արծաթե, իսկ մարմնամարզիկ Արթուր Դավթյանն ու բռնցքամարտիկ Հովհաննես Բաչկովը՝ բրոնզե մեդալներ: Թիմային մեդալների հաշվարկում, ավելի քան 200 երկրների թվում, Վրաստանն իր ութ մեդալով 33-րդն էր, իսկ Հայաստանը չորս մեդալով՝ 69-րդը:

Թիմային հաշվարկում առաջին տեղում ԱՄՆ-ի հավաքականն է՝ 113 մեդալով (39 ոսկե, 41 արծաթե, 33 բրոնզե մեդալ), երկրորդը՝ Չինաստանը՝ 88 մեդալ (38-32-18), երրորդը՝ Ճապոնիան՝ 58 մեդալով (27- 14-17), չորրորդը՝ Մեծ Բրիտանիան՝ 65 մեդալով (22- 21-22), հինգերորդը՝ Ռուսաստանի օլիմպիական կոմիտեի հավաքականն է՝ 71 մեդալով (20-28-23):

Հիշեցնենք, որ Տոկիոյի Օլիմպիադայի ծրագրում ընդգրկված էր 33 մարզածել, որ միավորում էր 50 մրցածել: Խաղերում խաղարկվել է մեդալների 339 հավաքածու (33-ով ավելի, քան 2016-ի Ռիո դե Ժանեյրոյում ամառային Օլիմպիական խաղերում):



ԲԱԹՈՒՄԻ «ԴԻՆԱՄՈՆ» ԴՈՒՐՄ ՄԵԱՑ ԿՈՆՖԵՐԵՆՏԻԱՆԵՐԻ ԼԻԳԱՅԻ ՄՐՑԱՇԱՐԻՑ, ԻՍԿ ԵՐԵՎԱՆԻ «ԱԼԱՇԿԵՐՏԸ» ԱՏԱՑԱԿ ԵՎՐՈՊԱՅԻ ԼԻԳԱՅԻ ՓԼԵՅ-ՕՖՅԻ ՄԱՍՆԱԿՑՈՒԹՅԱՆ ՈՒՂԵԳԻՐ

Օգոստոսի 12-ին Բաթումիի «Դինամոն», Կոնֆերենցիաների լիգայի երրորդ ընտրական փուլի շրջանակներում, Թուրքիայում անցկացրեց պատասխան հանդիպումը «Սիվասսպոր» ակումբի հետ:

Առաջին հանդիպմանը սեփական հարկի տակ վրաց ֆուտբոլիստները պարտվել էին 1:2 հաշվով: Պատասխան հանդիպման հիմնական ժամանակն ավարտվեց բաթումցիների հաղթանակով 1:0, սակայն լրացուցիչ ժամանակում մրցակցի խփած գոլը դինամոյականներին դուրս մղեց Կոն-

ֆերենցիաների լիգայից: Ֆուտբոլի Եվրոպայի լիգայի 3-րդ տուրի պատասխան խաղում Հայաստանի չեմպիոն «Ալաշկերտ»-ը հյուրընկալել էր Ղազախստանի չեմպիոն «Կայրաթ»-ին: Այս թիմերի առաջին հանդիպումն ավարտվել էր ոչ-ոքի՝ 0:0: Պատասխան հանդիպման

հիմնական ժամանակը եւ ավարտվեց ոչ-ոքի՝ 2:2, լրացուցիչ ժամանակում «Ալաշկերտը» կարողացավ անցկացնել հաղթական գոլը եւ հաղթել 3:2 հաշվով՝ ստանալով փլեյ-օֆֆին մասնակցելու ուղեգիր:

«Ալաշկերտը» Եվրոպայի լիգայի փլեյ-օֆֆում կմրցի Շոտլանդիայի չեմպիոն «Գլազգո Ռեյնջերսի» հետ: Հայաստանի չեմպիոնն ապահովել է տեղը Կոնֆերենցիաների լիգայի խմբային փուլում:

Թբիլիսիի թիվ 104 դպրոցի մանկավարժական կոլեկտիվը «Վրաստան» թերթի խմբագրական կազմում խորապես ցավակցում են էղուարդ Հակոբյանին եւ Հրաչիկ Ներսիսյանին՝ հորեղբոր դստեր ու հորաքրոջ՝ Սերգարա Սերգեյի ԱՊՊՈՎԱՅԻ մահվան կապակցությամբ:

Calendar grid for August 2021, showing dates from 1 to 31.

Large advertisement for 'VRASTAN' newspaper, featuring the masthead 'VRASTAN' and detailed contact information for the press center in Yerevan.

Advertisement for 'VRASTAN' newspaper, providing contact details for the press center in Yerevan.

Advertisement for 'VRASTAN' newspaper, providing contact details for the press center in Yerevan.

Advertisement for 'VRASTAN' newspaper, providing contact details for the press center in Yerevan.